

եւ՝ որչափ համեստ, այնչափ էլ ճարտար կեցուածքով:

«Ուղղակի հոգեթով էր այն արտաքին վերաբերմունքը, որ ունէին աղաները իրենց ուսուցչի հանդէպ: Վերջինս էլ իր կողմից հասկանում էր իր սաների հոգու վրայ ազդել՝ մի կողմից դասաւանդութեան իր գերազանց մեթոտով, դիւրաւ ըմբռնելի էր դարձնում աւանդուող նիւթը սաներին, միւս կողմից էլ իր հայրական, սիրալիր վերաբերմունքով» («Ուղեբուրձ», էջ 2-3):

Օտար ճամբորդի եւ ականատեսի այս խօսքերը բաւական յատկանշական են՝ Պաշատուր Աբովեանի անձը եւ գործը գնահատելու համար:

Ահա այդ մարդուն, Աբովեանին է յանձնում զօրաւար Նալբանդարը պարտականութիւն՝ ուղեկցելու Վազներին դէպի Հայաստան:

Մայիսի 1-ին (1843 թ.) նրանք ճամբայ են ընկնում դէպի Երեւան: Այնուհետեւ շատ առիթներով Վազներ արտայայտում է Աբովեանի մասին:

Այս կապակցութեան մէջ առաջ բերենք միայն այն մի քանի տողերը եւս, որ Վազներ յայտնում է Աբովեանի եւ նրա աշակերտների փոխադարձ յարաբերութեան մասին: Իրենց ուսուցչին ճամբայ դնելու համար աշակերտները մի որոշ տարածութիւն միասին են գնացած եղել:

«Պարոն Աբովեանի մատաղ սաները», ասում է Վազներ, «մեղ ճանապարհ գցելու նըպատակով բաւական տեղ, մինչեւ քաղաքից դուրս, մեղ հետ եկան իրենց ձիերով: Ես հրճեում էի ի տես այդ աշխոյժ հայ պատանիների, որոնք մանուկների համար անսովոր ճարպիկութեամբ քշում էին իրենց ձիերը: Երբ հասանք Կուր գետի եզրքի ձգուող վերջին այգիներին, այնտեղ կանգ առնել տունք մեր կառքը եւ մնաք բարով ասացինք մեր ջահել բարեկամներին: Պարոն Աբովեան մի վերջին, մնաս բարովի կարճ ու պարզ խօսք ուղղեց, գերմաներէն լեզուով, իր սաներին ու յորդորեց նրանց, որ իր բացկայութեան օրերին ջանասէր լինին եւ ինքնաշխատութեամբ զբաղուին, որ եւ նրանց համար օգտակար կը

լինի, իրեն էլ, նրանց ուսուցչին, ուրախութիւն կը պատճառի: Ապա նա բարեկամարար իր ձեռքը մեկնեց սաներին, հերթով: Եւ երբ մեր կառապանը մտրակը արդէն քաշել էր եւ ձիերին քառասմբակ առաջ էր քշում գետի եզրերով, մեր յետեւ հնչում էին փոքրիկ ձիււորների գերմաներէն բարեմաղթութիւնները եւ ցնծութեան խմբական աղաղակները» (էջ 4):

Սոյն կապակցութեան մէջ առաջ բերենք նաեւ այն մի քանի տողերը, որ մենք գտնում ենք Վազների աշխատութեան մէջ, երբ նա խօսում է ուսուսական դպրոցների մասին ընդհանրապէս եւ Երեւանի դաւառական (ուսուսական) դպրոցի շուրջը՝ մասնաւորապէս (էջ 85):

«Դժբախտարար մինչեւ իսկ Թիֆլիսի դաւառական դպրոցում քիչ կան այնպիսի ուսուցիչներ, որոնք գործի կպած լինէին այն ազնիւ եռանդով ու երեւան բերէին այն բարերար արդիւնքը, ինչ որ ցոյց է տալիս իմ կողմից արդէն քանիցս յիշատակուած ազնիւ հայր, Աբովեանը, Պարբոտի բարեկամը եւ գերման բարձրագոյն դպրոցի սանը: Վերին աստիճանի լքուած վիճակի մէջ էր մանուսանդ Երեւանի գաւառական դպրոցը, 1843-ին: Ուսուցիչների տգիտութեանը եւ ծուլութեանը համապատասխան էր նաեւ իրենց աշակերտների յառաջիկամութիւնը, որոնք, հակառակ իրենց բնական ընդունակութիւններին, անգամ տարիներ դպրոց յաճախնելուց յետոյ՝ տակաւին չէին կարողացել դարձնել հոգեկան քնէած վիճակից: Որչափ տարօրինակ տպաւորութիւն թողեց ինձ վրայ Երեւանի այդ դպրոցի անասելի խղճուկ վիճակը, այնչափ էլ, ընդհակառակը, հաճելի անակնկալ էր եղել ինձ համար հոգեկան այն կենտունակութիւնը, սաների գիտութեան եւ բարոյական այն բարձր մակարդակը, որ իշխում էր պարոն Աբովեանի Թիֆլիսեան դպրոցում:

«Անդրկովկասից բաժանուելուցս քիչ առաջ ուրախ էի ես տեղեկանալու, որ պարոն Աբովեանը իր հայրենի Երեւան քաղաքի դաւառական դպրոցի տեսուչ է նշանակուած: Մի մարդ, որ այդչափ ընդունակ էր եւ իմացական ու առաքինի. մի մարդ, որ լի էր այդչափ աղ-